



VISCHNAUNCA
DISENTIS | MUSTÉR



NOVA PLATTAFUORMA COMMUNALA DIGITALA

Cun igl 1. da settember 2025 introducescha la vischnaunca ina nova plattafuorma communal digitala per habitont(a)s, uniuns e fatschentas. L'applicaziun «Crossiety» vegn messa a disposiziun a tuts interessents per rinforzar la cuminonza sociala sco era per simplificar il brat d'informaziuns en vischnaunca.

Communicaziun per in e scadin

Vus haveis la pusseivladad d'activar ils avis (push) che cumparan immediatamein sin Vies telefonin, aschia munchenteis Vus neginas informaziuns arisguard temas sco serrada da vias, resultats da votaziuns ed elecziuns, publicaziuns, e.a.v. Ils avis san vegnir installai individualmein tenor Vos interess.

Video da scolaziun

www.crossiety.ch/schulungsvideos

Registraziun



Nus envidein Vus cordialmein da daventar ina part dalla plattafuorma communal digitala. L'applicaziun «Crossiety» ei per in e scadin gratuita e sa vegnir installada sur igl App Store ni Google Play Store (ni sut www.crossiety.app). La registraziun ei nuncuplicada e pretenda sulettamein Vies liug da domicil.

Tgei ei «Crossiety»?

In mied d'informaziun per novitads ed occurrenzas en nossa vischnaunca.

Ina piazza da fiera digitala per artechels e purschidas enteifer la vischnaunca.

Ina plattafuorma surveseivla da seprentar per uniuns, pil commerci indigen e per cuminonzas d'interess.

Ina plattafuorma per brattar informaziuns, organisar eveniments e parter ideas.

Cun Vossa participaziun procureis Vus per in svilup en caussa comunicaziun e socialesser. Nus selegrassen d'astgar beneventar Vus beingleiti online en nossa cuminonza digitala.